



# ИШОНЧ

2

1994  
йил  
8—14  
январь  
(144)

Ўзбекистон касаба уюшмалари Федерациясининг ҳафталик газетаси

**КАСАБА УЮШМАЛАРИДА**

«Ишонч» мухбирлари  
хабар қиладилар:

## МУҲОКАМА ҚИЛИНДИ

Сурхондарё вилоят касаба уюшмалари кенгаши раёсати йиғилиши муҳокамасига «Касаба уюшмаси аъзолик ҳамда ижтимоий суғурта бадаллари тушуми аҳоли ҳақида»ги масала киритилди. Бунга сўнгги пайтларда вилоятдаги давлат ишлаб чиқариш корхоналари ва муассасалари касаба уюшмаларида бадал маблағларини ўз вақтида туширишга эътибор сусайиб кетганини сабаб бўлди.

Вилоят касаба уюшмалари кенгаши раиси Химойиддин Шарофуддинов раёсатда ўтган раёсат йиғилишида, шунингдек, «Шаҳарлар ва туманлар мувофиқлаштириш кенгашларининг ҳокимиятлар билан, касаба уюшмаларининг хўжаликлар билан 1993 йил учун тузган шартномаларнинг бажарилиши», «Ишонч» ва «Ишонч-Доверие» газеталарига обуна бўлиш натижаларига доир масалалар ҳам муҳокама қилинди.

## ТАШКИЛИЙ МАСАЛА КЎРИЛДИ

КАСАБА уюшмалари Хоразм вилоят кенгашининг мажлиси бўлди. Мажлисида ташкилий масала кўрилди. О. Х. Юсупова пенсияга чиқиши муносабати билан касаба уюшмалари вилоят кенгаши раиси вазифасидан озод қилинди. Вилоят ҳокимининг ўринбосари бўлиб ишлаб келган Қаландар Сафоев касаба уюшмалари вилоят кенгаши раиси қилиб сайланди. Мажлисида Ўзбекистон касаба уюшмалари Федерацияси кенгаши раиси ўринбосари З. Э. Қодиров вилоят ҳокимининг биринчи ўринбосари О. Ражабов катнашдилар ва нутқ сўзладилар.

## ВАЗИФАЛАР БЕЛГИЛАНДИ

ДЕХҚОНЧИЛИК саноати мажмуи ходимлари Жиззах вилоят касаба уюшмаси кўмитасининг мажлисида «Янги ижтимоий-иқтисодий шароитда касаба уюшмаси ташкилотларининг вазифалари» муҳокама қилинди. Бу ҳақда вилоят касаба уюшмаси кўмитаси раиси С. М. Маллаев маъруза қилди.

Маърузачи ва сўзга чиққан ўртоқлар бозор иқтисодиётига ўтиш даврининг ўзига хос кийинчиликлари, нарх-навонинг тўхтовсиз ўсиши, аҳоли турмуш даражасининг пасайиб кетаётганлиги, ана шундай пайтда ҳукуматимиз томонидан меҳнаткашларни ижтимоий жиҳатдан ҳимоя қилиш, иқтисодий жиҳатдан қўллаб-қувватлаш, айниқса кам даромадли, серфарзанд оилаларни, пенсионер ва ўқувчиларни ҳимоя қилиш юзасидан қабул қилинган қарорлар ижобий натижалар бераётганлигини таъкидлашди. Ҳозирги ижтимоий-иқтисодий шароитда бошланғич ташкилотларнинг ишни такомиллаштириш, ишсиз қолган ишчиларни иш билан таъминлаш, жамоат шартномаларининг бажарилишига эришиш, ҳамма корхоналарда техника хавфсизлигини таъминлаш, меҳнаткашларни бехатар иш юритишга ўқитиш, йўл-йўриқлар ўтказиш, касблар бўйича йўриқномалар ишлаб чиқиш, аҳолини етарли миқдорда уйли-жойли қилиш, ишчиларни соғломлаштириш касаба уюшма ташкилотларининг бош вазифаси эканлиги уқтирилди.

Мажлисида муҳокама қилинган масала юзасидан тегишли қарор қабул қилинди.



— Ширин-шакар болажонлар учун табиий газламалардан кўпроқ кийим-кечаклар ишлаб чиқаришимиз керак, — дейди бригада бошлиғи Махбубахон Муҳаммадиева (ўнгда), тикувчилар Раҳимахон Пардаева билан Насиба Мелиевага. Бу қўли гул қизлар Жиззах шаҳридаги «Эркин» акционерлик жамиятида меҳнат қиладилар. Ўз корхоналарининг чинакам хўжайини бўлган чеварлар ўттиз хилга яқин ранг-баранг кийим-кечаклар — болалар, аёллар, эркаклар қўйлақлари, кишлоқ меҳнаткашлари учун пахталик кийимлар тайёрлаб, зиммаларидаги вазифаларини вақтида, сифатли адо этаяптилар.

Сизнинг юсак дидингиз, чевар қўлларингиз билан тикилган кийим-кечаклар янада кўпаяверсин, азиз дўстлар!

Б. ТЎРАЕВ олган сурат, (ЎЗА).

## ЯЛПИ САФАРБАРЛИК

*Бу йилги қиш Қорақалпоғистонга одатдагидан эрта келди. Ноябрь ойининг дастлабки кунлариданоқ бетиним ёққан қор ерни оппоқ қалин кўрпага буркаб ташлаганди. Қаҳратон совуқдан Амударё-ю кўлар, асрий Қизилқум, Устюрт... музлаб қолди.*

Қиш азал-азалдан чорвадорлар учун синов даври. Аммо, бу йилги қиш чорвадорларга, айниқса марказдан олисда қўй боқаётган чўпон-чўликлар учун бениҳоя оғир бўлаяпти. Ахир, Қизилқум ва Устюртдаги минглаб отарларда 332 минг бош қўй-қўзилар боқилаяпти-да!

Юз берган фавқуллода вазиятга Қорақалпоғистон Республикасида тезкорлик билан аниқ баҳо берилди, зудлик билан амалий ёрдамлар уюштирилди. Чорвадорларга кўмак бериш учун биринчилардан бўлиб касаба уюшмалари Қорақалпоғистон Федерацияси кенгаши фаоллари отланишди.

— Кейинги ярим асрда қишнинг бундай барвақт; шиддат билан келганини кўпни кўрган кексалар ҳам эслаша олмайди, — дейди агросаноат мажмуи ходимлари касаба уюшмаси

Қорақалпоғистон кўмитаси раисининг ўринбосари Сапарбой Кенибоев. — Вазиятнинг қалтислиги ўз вақтида ҳисобга олинди. Чорвадорларга амалий ёрдам бериш мақсадида тўла сафарбарлик эълон қилиниб республика ва туманлар миқёсида махсус штаблар ташкил этилди. Чўпонларга минг донга яқин иссиқ кийим-бошлар, етарли даражада озик-овқатлар етказиб берилди. Қиска муддатда 3 минг тонна омухта ем, минг тоннадан ортиқроқ кунжара, шелуха отарлар бошига ташиб олинган эди. Ўзбекистон Республикаси ҳукуматининг амалий кўмаклари натижасида қўшимча равишда 1500 тонна омухта ем келтирилди. Ҳозир ем-хашакдан жуда омилкорлик билан фойдаланилмоқда. Хар бир фермада, отарларда мутахассислардан иборат навбатчилар ташкил этилган. Электр энергияси, техника, ёқилғи етарли. Молхоналар мунтазам равишда тозаланмоқда, иссиқ сув билан тўла таъминланган.

Бу йилги қиш Устюрт пасттектислиги атропофлариди ва Тахтақўпир, Бегуний, Тўртқўл ва Эллиққалъа туманларининг Қизилқумдаги қорақўлчилик хўжалиқларида жуда мураккаб вазиятни вужудга келтирди. Шунинг

учун ҳам бу жойларда сафарбарлик эълон қилинди, ҳамма олис ййловлардаги чўпон-чўликларга ёрдамга отланилди. Айниқса Эллиққалъа тумани давлат ва жамоаси хўжалиқлари меҳнаткашларининг ҳамжиҳатлиги таҳсинга лойиқ бўлди. Тумандаги 14 та жамоа ва давлат хўжалиқлари Қизилқум қўйнидаги «Бухан-Мерей» давлат хўжалиғи чорвадорларига ёрдам бериш учун сафарбарлик эълон қилишди. Ноябрь ойида 40 та махсус уловларга ортилган 200 тонна дағал хашак 70 та отарларга етказиб берилган эди. Декабрь ойида ёрдам ҳажми кескин ортирилиб, 90 та қудратли тракторлар билан 300 тонна хашак, 100 тонна омухта ем энг олисдаги отарларга ташиб олинди.

Қизилқумдаги «Қизилқалъа», «Жамбасқалъа» қорақўлчилик давлат хўжалиқларига ҳам етарли кўмаклар берилаяпти.

Хуллас, кишловни беталофат ўтказиш учун Қорақалпоғистон Республикасининг ҳамма жойида бошланган сафарбарлик уюшқоклик билан ўтказилаяпти.

Абдурахмон ИСКАНДАРОВ,  
«Ишонч» мухбири.

## Хабарлар мағзи



● 1994 ЙИЛНИНГ 1 январидан бошлаб меҳнатга ҳақ тўлаш, пенсиялар ва стипендиялар миқдорини ошириш тўғрисида Ўзбекистон Республикаси Президенти Фармон чиқарди.

Фармонга кўра иш ҳақининг энг кам миқдори ойига 30.000 сўм-купон қилиб белгиланиб иш ҳақи шунга мувофиқ равишда оширилди. Меҳнат пенсиясининг энг кам миқдори ойига 32.450 сўм-купон қилиб белгиланди, ҳозирги вақтда амалдаги барча пенсия турлари шунга мувофиқ равишда оширилди.

Олий ўқув юртлари талабалари, техникумлар ва ҳунар-техника билим юртлари ўқувчиларининг стипендиялари ҳам ўртача 1,2 барабар кўпайтирилди, тушлик овқат қийматидан 50 фоизлик чегирма ўрнига ҳар бир талабага ойига 10.000 сўм-купон миқдоридан пул компенсацияси белгиланди.

● **ЎЗБЕКИСТОН** Республикаси Президенти Ислам Каримов «Рухоният» халқаро уюшмасининг «Халқлар ўртасида тинчлик ва тотувлик учун» мукофотининг лауреати бўлди. Марказий Осиё халқлари ўртасида яхши қўшничиликни ўрнатишга катта ҳисса қўшганлиги учун Ўзбекистон раҳбари ана шу мукофотга сазовор бўлди.

● **ЎЗБЕКИСТОН** Республикаси Вазирлар Маҳкамаси «Ўзбекистон Республикаси экспорт имкониятларини оширишни янада рағбарлантириш чоралари ҳақида» қарор қабул қилди.

● **ЎЗБЕКИСТОН** Республикасининг Президенти Ислам Каримов Давлат ташрифи билан Ҳиндистонда бўлди. Ташриф чоғида Ҳиндистон давлат ва ҳукумат раҳбарлари билан расмий музокаралар бўлди, турли битимлар имзоланди.
















## ЮРТДА ТИНЧЛИК, ОМОНЛИК БЎЛ- СИН!

МУАЛЛИМНИНГ бахти шундаки, унинг сабоғи шогирди қалбида умрбод қолади. Меҳнати нечоғлик машаққатли бўлмасин, самараси қувончлидир. Қарийб 15 йилдан буён математика фанидан дарс берарканман, шогирдларимнинг кўпчилиги муаллим бўлиб, ёнма-ён меҳнат қилаётганидан фахрланиб кетаман.

Мақтабимизда 900 дан зиёд ўғил-қиз таълим-тарбия топмоқда. Ўзбекистон Халқ маорифи аълочиси Шарифа Қодирова раҳбарлик қилаётган аҳил жамоамизда муаллим маҳоратига, унинг излашишига жиддий эътибор берилди.

Бу борада ташаббус кўрсатиб, ғайрат билан ёшларга билим бераётган Холбуви Ҳазратқулова, Махбуба Яхъёева, Флора Кабирова ва Махбуба Тожиева каби олий тоифали ҳамкасбларим билан ёнма-ён ишлаётганимдан руҳланаман.

Ўқувчиларимнинг чинакам ҳаёт бўсағасидаги билим синовларидан аъло баҳолар билан ўтиб, эл фахри бўлишларини жуда-жуда хоҳлайман. Ана шу хоҳиш ва орзуларни ҳар бир сабоқ давомида ўғил-қизларга етказишга интиламан. Илоҳим, юртда тинчлик, омонлик бўлсин. Фарзандларимиз баркамол инсон бўлиб улғайишсин!

**Саломат ЭРГАШЕВА,**  
Сирдарё вилояти, Гулистон шаҳри Алишер Навоий номидаги мактаб ўқитувчиси.



### ЮБИЛЕЙ АРАФАСИДА

Шу кунларда Қашқадарё вилоятининг 70 йиллик юбилейига тараддуд қизғин бошлаб юборилган. Қарши педагогика билим юртида ушбу санага бағишлаб тадбир ўтказилди. Билим юрти ётоқхонасида кутубхона филиали очилди. Бундан ташқари ётоқхонада «Ўзбекистон — Ватаним маним», «Қашқадарё — 70 ёшда», «Амир Темура ҳаёти», «Шарқ мутафаккирлари ва алломалари» сингари бурчаклар ташкил этилди.

Суратда: Ўзбекистон халқ таълими аълочиси, ёш ўқитувчилар мураббийси Ҳасан ака Жўраев республикамиз мустақиллиги тўғрисида талабаларга ҳикоя қилмоқда. **Ш. ШАРОПОВ** (ЎЗА) олган сурат.

## Ишонч

БОШ МУҲАРРИР

ТЎЛҚИН ҚОЗОҚБОВ

ТАҲРИР ҲАЙЪАТИ:

Акмал АҚРОМОВ  
(бош муҳаррир муовини),  
Абдуманноп АЛИМБОВ,  
Муҳаммадлатиф ЖУМАНОВ,  
Турғунбой МАДИЕРОВ,  
Турғун НАЗАРОВ  
(масъул котиб),  
Абдурасул РЎЗМАТОВ,  
Саминжон СУЛТОНОВ  
(вилоят муҳбири),  
Муҳайё ТЎЛАГАНОВА,  
Шабот ХЎЖАЕВ,  
Санобар ХЎЖАЕВА.



- Бош муҳаррир қабулхонаси 56-25-36
- Бош муҳаррир муовини 56-52-89
- Масъул котиб 56-52-78

### БЎЛИМЛАР

- Қасаба уюшмалари, социал адолат, иқтисодий ҳаёт — 56-82-79.
- Маданият, маънавият ва ҳатлар 56-87-78, 56-87-63.
- Муҳбирлар билан ишлаш — 56-82-79
- Ишлаб чиқариш ва хўжалик — 56-85-43

### ВИЛОЯТЛАРДАГИ

#### МУҲБИРЛАРИМИЗНИНГ ТЕЛЕФОНЛАРИ:

- Андижонда — 5-32-24;
- Бухорода — 3-50-10
- Гулистонда — 2-10-02;
- Жиззахда — 2-31-41;
- Навоийда — 3-52-99;
- Наманганда — 6-22-10;
- Нукусда — 4-19-97;
- Самарқандда — 35-64-22;
- Термизда — 2-70-07;
- Тошкентда — 56-82-79;
- Фарғона — 4-28-29
- Урганч — 6-03-40
- Қаршида — 5-33-71;

● Муҳарририят га келган қўл-ёзмалар (2 ораликда 5 бетдан ошмаслиги лозим) ва суратлар муаллифларга қайтарилмайди, фойдаланилмаган хатларга жавоб юборилмайди. Таҳририят востачилик қилмайди. Мақолалардаги фикр-мулоҳазалар, келтирилган факт ва рақамлар масъулияти муаллифлар зиммасидадир.

● Газета 1991 йил 21 мартдан чиқа бошлаган.



Сотувда эркин нархда.

● ШАНБА кунлари чиқади.

● Босишга 7 январда топширилди.

● Навбатчи масъуллар:

**Турғун НАЗАРОВ,**

**Тожибой АЛИМОВ.**

● МАНЗИЛИМИЗ:

700165, Тошкент шаҳри, «Правда Востока» кўчаси, 24-уй.

● 73350 нўсханда босилди.

● Нашр кўрсаткичи: 64560; 64561.

## ДИҚҚАТ, ДИҚҚАТ, ДИҚҚАТ!!!

Ҳурматли кишлоқ хўжалиги соҳасида ишлаётган ишбилармонлар, жамоа ва давлат хўжалиги раҳбарлари, фирма ва кичик корхона директорлари:

Сизларга «ШУҲРАТ ЛТД» илмий ишлаб чиқариш фирмаси ўзлари ишлаб чиқара бошлаган қуйидаги маҳсулотларни таклиф қилади;

1. Кишлоқ хўжалиги маҳсулотларини қайта ишловчи автоматлаштирилган кичик заводлар (повидло, джем, мураббо, компот, томат пастаси ва ҳоказолар олишга мўлжалланган);

2. Сутни (шарбатларни) қуюклаштирувчи автоматик кичик заводлар (қуюлтирилган ширин сут, шарбат концентратлар);



3. Аралаш озуқа тайёрлаш учун керакли бўлган кишлоқ хўжалиги маҳсулотларини (донлар, ўтлар...) майдаловчи кичик электр (220 в, 50 гц) тегирмонлар;

4. Автоматлаштирилган ҳар хил ҳажмдаги электр инкубаторлари;

5. Газ баллонлари;

6. Газ баллони вентиллари;

7. Эркаклар туфлиси (Италияники);

8. Зонтиклар (Гонконг);

9. Оқ эмаль бўёқ;

10. Цемент;

11. Маккажўхори бодроғи тайёрлайдиган ускуна;

12. Ёғочни қайта ишлайдиган дастгоҳ;

Баҳоси келишилган нархда. Бизнинг манзилимиз: 702600, Тошкент шаҳри, А. Темура кўчаси, 82-автобаза биноси.

Телефонлар: (254) 53-844, 53-845, 53-846.

● Газетага 1991 йил 8 январда Ўзбекистон Матбуот Давлат қўмитаси томонидан 00068 рақамли гувоҳнома берилган.

● Оффсет усулида босилди.

◆ Формати А-3 ҳажми 2 босма табоқ.

◆ Ўзбекистон Республикаси

◆ Президенти Маҳкамаси Ишлар

◆ бошқармаси ҳузуридаги «Шарқ»

◆ нашриёт-матбаа концерни. Корхона манзили: «Буюк Турон» кўчаси, 41-уй.

● Буюртма Г-712 1 2 3 4 5 6